

Այլ և զամենայն կանոնեալ հաս և զիրաւունք՝ զոր պարտիք տալ Աստուծոյ՝ բաժին աթոռո, զհաս տանց քահանայից և զամենայն ընդանեաց նոցա, զերաւ խայրիս կալոց և զհընձանաց, զՏեառնականս և զսրբանուէրս, զիրաւունս մատաղաց կենդանեաց և զյանկարծամահից, և զամենայն իրաւունս կենաց և մահու, լիով անթերի տուք ի ձեռս դորայ, զուարթ և առատ սրտիւ. որպէս զի զտուրս զուարթառատս սիրէ Աստուած։ Եւ մի՞ ոք իշխեսցէ հակառակիլ սմա կամ հրամանիս մեր, և արգելցէ յիրաւանց տալո կամ խորեացէ, կամ յազգ անկանի և ուժ հասուցանէ Տէր Յոհանէսիս. զի որ ոք որ հակառակ լիցի սմայ, նայ այնպիսի առցէ յԱստուծոյ զանէծան կաննի, զմասն Յուդաի և զխաչահանուացն։ Որով աւրհնեալքն ի Տէր Յոհանիսէս՝ աւրհնեալ եղիցին յԱստուծոյ և ի մէնջ. կապեալքն և որոշեալքն՝ ի նմին մնացեն, մինչև զղջացին։ Վասն որո ի մտանել դորա և աւրհնութեան հրամանիս մերոյ առ ձեզ և սուրբ մեռոնիս, իյցէ և շնորհք ողորմութեանն Աստուծոյ յերկնից ի վերայ ձեր էաւթնպատիկ, և լցուցէ զձեզ ամենայն հոգեւոր և մարմնաւոր բարութեամբ. բարձցէ ի ձէնջ զամենայն ցասումն, զպատուհաս և զտարաժամ մահ. տացէ ձեզ շինութիւն, անդորրութիւն և խաղաղութիւն. և ամենայն բարեաց ձեր լիութիւն և առատութիւն. և աւրհնեսցէ զձեզ զամենեւեան Քրիստոս Աստուած մեր։

Շնորհեցաք ի ձեռն դորա ձեզ պարգևս հոգեւորական՝ զեղն աւժութեան, զաստուածագործակ սուրբ մեռոնն, ի լուսաւորութիւն նորածնելոցն աւագանալն՝ յորդէգրութիւն Հաւրն երկնաւորի, և ի ժառանգակցութեան Քրիստոսի յուսոյն մերոյ. զնոյն ի ճակատ նշան հաստատութեան յաւժումն քահանայութեան, ի նորոգութիւն սուրբ եկեղեցւոյ Քրիստոսի Աստուծոյ մերոյ, աւրհնելոյն յամենայն յաւիտեանս. ամէն։

Գրեցաւ գիր աւրհնութեան բարձր հրամանիս մեր՝ ի յլստ ի մեզ մարդեղութեանն և ծննդեանն մարմնով Քրիստոսի Աստուծոյ մերոյ ՌԳՃՂ ամի, և ի Սրբոյն Գրիգորէ ՌՂ ամի. եւ մեծ Թուիս Հայոց ՊԼԷ ամի. ի մեր նըստիլս ի սուրբ աթոռս՝ որ է ամ Է և ամիս ութ և աւր ԺԷ, ի յաւգոստոս ամսոյ ԺԸ. ի փառս Քրիստոսի։ Եւ վասն առաւել հաստատութեան և ավտայո՝ ձեռնագրեցաք մեր սովորական կարմիր ձեռնագրովս. Կնքեցաւ վերոյ ամէներեւելի ծաղկաւետ մեծ մատանովս. կամաւք բարեբարին Աստուծոյ աւրհնելոյն ի յամենայն յաւիտեանս. ամէն։

† ԹԷՈՒԴՈՐՈՍ ՇՆՈՐՀԱԻՔՆ ԱՍՏՈՒԾՈՅ ԿԱԹՈՂԻԿՈՍ ԱՄԵՆԱՅՆ ՀԱՅՈՑ։